

MICHAELIS BRUMMERI

LIPS. MISN.

DISPUTATIO IURIDICA INAVGVRALIS,
**VTRVM TESTAMENTA
PARTVRIENTIVM**

INTER CETERA
**SEQVIORIS SEXVS IVRA
SINT VEL ESSE DEBEANT
PRIVILEGIATA?**

EX AVCTORITATE
MAGNIFICI D. RECTORIS
CORNELII VAN ECK ICTI.
AD DIEM XVI. SEPT. ANNI dñbC XCV.
IN ACADEMIA VLTRAIECTINA
RITE PROPVGATA

OB INSOLITVM
TRACTATIONIS ARGVMENTVM
RECVSA,

EDITORE

CHRISTIANO GOTTLOB REINHARDTO

ADVOCATO REG. ELECT. SAX.

**QVI, NE ECKIVS IN POSTERVVM AVCTOR HVIVS
SCRIPTIONIS HABERETVR, PRAEFANDO
EFFICERE VOLVIT.**

IENAE, LITTERIS IOH. CHRIST. CROEKER.
M DCC XXXV.





LECTORI

S. D.

EDITOR,



QVOD plerisque alienarum tractationum praeconibus solemne esse videmus, ut vel magnificis scriptores, quibus praefantur, exornent elogiis, vel singularibus, per partes eundo, auctorem suum illustrent animadversionibus, dissentiendi quoque, si quando iustam habere causam se putent, adripientes occasionem, vel denique peculiare ex penu

A 2

sua

sua depromentes argumentum, pastu non simplici lectores reficere studeant, eorum, ut praestantissima multorum, qui singula haec feliciter praestiterunt, proferri possint exempla, nullum, haec dum scribo, eligendi genus, haesit mihi propositum. Prius enim ausurum, nescio, num ex ratione magis laudandi, num laudatoris persona, qui laudatissimus profecto ipse esse debebat, si veras a se proficisci laudes velit, deterreri oporteat? Alteram vero vel tertiam quo minus ingrediar viam, opella quam maxime suadet concinnior, quae introduci mox ad se ipsam lectores mauult, contrahique a praefante vela postulat magis, quam laxius agitari, aut in altiora extendi. Proinde, qui ampliores aliorum laboribus praefigendo discussiones, de re bene mereri litteraria cupiunt, horum nullus ego laudibus inuidebo, si salis pariter ac mellis plenissimas conscribant praefationes, hocque modo eorum fastigio propiores euasuros se sperent, quorum optima & excellentissima in hoc genere studia depraedicauit magnus ille, quem Georgia tener Augusta, polyhistor, Christoph. Aug. Heumannus in Conspectu Reipublicae litterariae Cap. VI §. XII. p. m. 298. Ante vero,

vero, quam ad paradoxon ipsum, parturientium sistens testamenta, priuilegio spurio certe, a Brummero, vel quisquis demum hunc partum ediderit, donata, venire huiusmodi deliciarum curiosiores patiar, non possum, quin veritatis solo commotus studio, celeberrimum quondam Belgii ICrum, Cornelium van Eck, cuius tersissimam de septem damnatis legibus Pandectarum scriptionem iam excudendam similiter curo, absoluiam vitii, a nonnullis acutioribus immerito ipsi adspersi, dum auctorem esse eundem existimauerunt, publiceque in libris suis profes si sunt, illius, quam nunc sisto, Disputationis. Sic profecto sensisse Strykium in V. mod. π . ad tit. de Testam. milit. §. IX. & Boehmerum, canitie meritisque venerabilem, in Doctrina Pandect. eod. tit. §. fin. si euoluere illos uolueris, non dubitabis, dubitaturus iure meliore, verane hi scripserint, rectiusue negaturus, si paucis me adhuc praefantem audiueris. Ipse etiam, quod mireris, Heineccius, doctus ille Iupiter, dignus omnino, qui finem vitae, quae longaeui hominis esse, centumue demum annis terminari dicitur in L. LVI. π . de Vsufr. & quemadm. fuisset con-

secutus, dum ordine Pandectarum iubente, testamenta privilegiata, audiente cum me aliquando Halae, quod aiunt, pro hospite, lectissimae studiosorum coronae explicabat, in fine tractationis pariter adiciebat, inque calamum suis dictabat, vapulare merito Eckium, quod parturientes coram feminis testari posse scripserit in singulari quadam Dissertatione. Memini insuper, breui quidem, at solidissima concatenatarum veritatum argumentatione huius sententiae patronos eum illo ipso tempore confutasse, quia nimirum privilegium sit constitutio principis, haec vero species legis, legem autem condere soli competat principi; qua quidem in re si lapsam forte fuisse memoriam meam non nemo suspicetur, certiore mentis fiducia falsa me non adposuisse, credent, quibus latus magni huius Gamalielis singulis quondam diebus stipasse, iucundissime recordari, eiusque Dictata studiosius adservare datum fuit. Vt ergo dicam, quod res est, nullo plane idoneo argumento magnos hos viros Eckio factum alieni capitis substituisse puto. An enim ut verum quisquam adsumere poterit enthymema, quia ut Rector Magnus tum

tem-

temporis auctoritatem impertuisse legitur vir ille incomparabilis defendendae publicae Disputationi, ergo ex eius ingenio produsse paradoxon. Dii meliora. Haec si valeret consecutio, Theologis adiudicandae forent tractationes iuridicae, Medicis theologicae, &c. atque sic imis summa miscerentur, & susque omnia deque forent ruitura. At praefuit Brummero Eckius, solemniter propugnanti specimen suum inaugurale. Id vero gratis omnino adseritur, silente Disputationis inscriptione & titulo. Et quid si praefuisse etiam largiamur? Forte actum fore splendidiorem, existimabat Brummerus, moderatorem nactus certaminis tam celebrem Ictum, purpuraque academica conspicuum, cui ne in erroribus quidem aliorum dicis gratia protegendis, aquam haesisse arbitror. Sed quod maxime prohibet, Eckium credere auctorem tam insolitae meditationis, fortissimumque negantis sententiae robur, continetur Principiis eius Iuris Civilis, quae tantum abest, ut parturientium testamenta, qualia vult Lipsiensis, tueantur, ut potius in illo ipso loco, quo priuilegiatae recensentur singulae testationes, nempe sub Tit. *π.* de testam.

stam. milit. Part. II. p. m. 214. sqq. spurium istud muliercularum ius aeterno obuoluatur silentio. Nec in thesibus iuris controuersi ab eo conscriptis, vel reliquis ingenii monimentis, (nec enim agraphum eum fuisse Ictum putemus, si aliena ipsi non obtrudantur,) tale quid inuita Minerua & repugnante Themide excogitatum reperire vnquam potui. Quare veritatis amantissimus Caspar. Burmannus in Traiecto erudito pag. 90. sequ. vbi vitam pariter scriptaque Eckii accuratissima diligentia descripta nobis reliquit, hanc omisit Disputationem, sua cuique tribuens, suisue ipsiusmet radiis ornatius splendescere Papinianum ratus. Nec praeterire nunc etiam possum, quem nunquam non summa cum veneratione in ore atque deliciis habere soleo, Celeberrimum & elegantissime doctum Ictum, Andream Florentem Riinum, cuius liberali manu effectum fuit, vt candidissimo Typographo Ienenfi Iohanni Christophoro Croekero praesentis academici scripti, typis denuo imprimendi, copiam facere non nequiuerim. Is enim quae insignis eius hodieque est humanitas, benignissimaque erga me animi sui

fui testatio, nihil eorum, quae ad rem litterariam ciuilem pertinere videbantur, latere me patientis, non semel ad me retulit, ne verbulum quidem Eckio, a quo tum alia, tum tractationem iuris ciuilis testamentariam Traiecti quondam audiuerat, excidisse, quo patrocinii huiusmodi, molliori sexui indulti, argui potuerit.

τί ἐστὶν χρεῖαν ἔχομεν μαρτύρων; Nec enim nisi iniuria vereri mihi posse videor, ne seduci quis eo se patiatur, quod in reliquis conueniunt inter se Cornelius van Eck, atque Brummerus, collata huius Disputatione cum Principiis illius iuris ciuilis, ex. gr. quod ordinem testatorum priuilegiatorum eundem fere repe-
rias, excepta inuenta nouiter a Brumme-
ro specie, in prioribus Disputationis the-
sibus, quem obseruatum videmus in Prin-
cipiis iuris ciuilis, ad titulum supra ad-
legatum; quod etiam porro, quae ad
calcem Disputationis conspiciuntur Corol-
laria, quartum si demseris, adfirmanda
duxerit inclutus Belga ad tit. de iure dot.
§. 14. pag. m. 100. & §. 17. p. m. 101.
nec non ad tit. de iure Codicill. §. 11.

B

p. m.

X PRAEFATIO EDITORIS.

p. m. 228. Part. II. Nam si talibus quid momenti inesset, omnia certe omnes scriberemus, partusque nostros ab alienis nunquam dignoscere valeremus. Tribus adhuc moneo verbis, ne quis nostrum Michaellem Brummerum cum altero illo, Friderico, cuius praestantia novimus Opuscula, temere confundat. Hic enim aquarum citius vi submersus legitur, quam noster Traiecti stetit in cathedra. Vale, humanissime lector, & quantum mereri videbor, faue. Scribebam Mersburgi.

Ipsis Kalendis Febr. A. R. S.
clō lo CC XXXXV.





Q. D. B. V.

Dum Circensibus molesta est pompa, multis non praefabor de argumenti nostri, quod haecenus latuit in Themidis sacra-
riis, quodque inde eruere defudaui Iuris-
prudentiae Candidatus, deliciis. Eo redit duntaxat voto-
rum meorum summa, ut lucubratiuncula nostra qualis
qualis & dedolator & ornator ostendi potuisset bea-
tioris ingenii lectoribus; quos non aegre nimis laturos
confido, si, cum mihi industriae vires erant periculan-
dae, primum patrociniū molli praeberim sexui: id
quod, aequitate certe & ratione h. e. anima legum &
naturali iustitia (cuius meminit Ictus L. 13. §. 7. ff. de
Excus. Tut.) potius quam planis textuum verbis sufful-
tum, adparebit. Nec omnino, ut opinor, indigne;
quandoquidem iudice CELSO, scire leges non hoc est,
verba earum tenere, sed vim ac potestatem. L. 17. ff.
de LL. L. 12. ff. eod. L. 6. §. 1. ff. de V. S. L. 8. C.
de Iudic. & passim.

DE TESTAMENTIS

THESIS I.

Antequam vero praefens resoluatur *Задача*, non abs re fore arbitror, melioris intellectus gratia, pauca de *Testamentis*, iisque *privilegiatis* praemittere. Testamentum, vocabuli venusta quadam allusione, conveniente ipsi rei, mentis vocatur testatio: *pr. l. d. Test. ordin.* Estque finitore *MODESTINO* Icto in *L. i. ff. d. Testam.* voluntatis nostrae iusta sententia de eo, quod quis post mortem suam fieri velit; vel, si mauis, tribus definire verbis & affabre: legitima heredis institutio.

II.

Non vnum fuisse testandi genus Ciuili iure nec non antiquitate cognitum est; qua constat, vsum receperisse veteribus temporibus Testamentum calatis comitiis, procinctum, per aes & libram: postea vero ex Edicto Praetoris formam aliam faciendorum Testamentorum introductam fuisse; paulatimque coepisse in vnam consonantiam Ius Ciuile & Praetorium iungi, & ex vtroque constitutum fuisse sincerum testandi tenorem *tot. Tit. l. d. ord. Test.* vnde apparet, testamenti factionem respectu solennitatum Iuris quidem Ciuillis esse, quoad originem vero, siue libertatem de bonis elogio vltimo disponendi, multo antiquiorem, immo naturalem *arg. L. 21. C. mandat. §. 40. l. d. A. R. D.*

III.

Praeprimis Testamentum agnoscimus scriptum & nuncupatum, illud scripto, hoc nuncupata voce confici-

conficitur. §. 14. I. de ord. Test. confer. SVET. in vita Horat. xbi, decessu, berede Augusto palam nuncupato: quoniam urgente vi valetudinis non sufficeret ad obsignandas testamenti tabulas.

IV.

Utrumque Testamentum tam scriptum, quam nuncupativum, solenne, vel non aut minus solenne est seu privilegiatum; in quo nempe quaedam, vel omnes iuris requisitae solennitates remissae sunt, sicut apparet ex seqq.

V.

Priilegiatum a privilegio ita dictum; id quod nihil est aliud, quam *priua lex*, a superiore in priuatam constituta: Priilegium enim Principis placitum, siue constitutio est, non generalis, quae, legis vim habens, omnes subditos tenet; sed specialis siue singularis, quae in gratiam alicuius rei, aut contemplatione personae lata atque data est. Dixi priilegium esse legem *priuam*, quemadmodum *priua* pro *singulis* dixere veteres. v. GELL. lib 10. c. 20. FEST. in Voc. Priu. VOSS. in Etym. &c. Hinc patet priilegium (quod alias praerogativam dixeris Nou. 40. c. 1.) esse aliud reale, aliud personale; illud, quod conceditur rei alicui, muneris vel conditioni, cuiusmodi sunt immunitates & beneficia generaliter locis, ciuitatibus, familiis, condemnatis data l. 4. §. 3. ff. de Cens. l. 29. ff. de Re iud. hoc, quod immediate fertur in personam, ut personam, eique, donec est, cohaeret. l. 196. ff. d. R. I. §. 6. I. d. I. N. G. & C.

VI.

Quicquid autem loquatur **TULLIUS** lib. 3. d. *EL. maiores nostri in priuatores homines ferre leges noluerunt, ingenias nihilo fecius, quibus indulgere iura variis varios fauores, praesertim in casu postremi arbitrii; siquidem id singulari iure interdum sustinetur, ut ut contra communes leges factum fuerit, quod proinde priuilegium dici meruit.*

VII.

Eius notae perhibentur vulgo 1. Parentum inter liberos, quod fit sine vllis solennitatibus *l. ult. C. fam. erisc. l. 21. §. 1. C. d. Testam.* imo ne teste quidem *vlla. FACHIN. l. IV. controu. c. 1. dummodo iuxta praescriptum iuris noui manu propria genitor testamenti tempus, liberorum nomina & portiones plenis literis non notis, exarauerit, neque extraneas suis heredibus personas miscuerit: quantum enim ad has, dispositio ea inutilis foret. d. l. ult. §. l. 21. §. 1. Nou. 18. c. 7. Nou. 107. c. 1. 20 ES. p. 577. n. 59. DONELL. 6. com. 9. HOTOM. Conf. 56. 57. GAIL. 2. Obs. 112. n. 7. §. al.*

VIII.

Secundum est rustici Testamentum, seu potius ruri habitantium; ubi minor, quam septenarius, quem paganorum exigit institutio, id est, quinque testium numerus suffecerit. *l. ult. C. d. Testam.* In hoc enim rusticitati, ut in aliis quibusdam, consultum fuit. *conf. D. CHOFFIN. de Prin. rust.*

IX.

Succedit tertium privilegio munitum Testamentum, nimirum, quod per supplicationem auribus Principis insinuaturn eius tenet conscientiam; id quod testibus haud indiget vllis, vtpote confectum Principe inter tot nobiles probatasque personas, quibus stipatus est continuo, medio, & toto quasi iure, teste, quale omnium testamentorum solennitatem exsuperat. *l. 19. C. cod. add. PACHIN. l. VI. Controu. c. 86. BARRY d. success. tit. 2. n. 4.*

X.

Cui proximum est Testamentum Actis siue libris publicis insinuaturn & insertum *d. l. 19. evidenti* ratione: quod nullus actus probari melius potest, quam per acta, quorum fides non vacillat, publica. *§. vlt. l. d. Adopt. §. 2. l. d. Donat.*

XI.

His quidam ex Canonum Iure Testamentum adnectunt ad pias causas, quod coram duobus testibus valere (sed contra Ius Ciu. *vid. l. 13. C. d. SS. Excl.*) vulgo contendunt *c. relatum XI. X. de Testam.* cum cactera Testamenta praeter numerum tot testium, parochi praesentiam quoque exigant. *c. 10. X. cod. TIRAQ. Tract. de Prim. p. c. priu. l. CLAR. §. Test. qu. 6.*

XII.

Aliam Testamenti privilegiati speciem exhibet, quod pestis tempore conditurn: nam eius factioni esti
non

non simul ad sint testes, nil refert, veneritue vnus post alium, eam iuris necessitatem remittente iusto contagionis metu. *l. 8. C. d. Testam.* qui & id. videbitur permittere, vt minor quam septem testium copia possit sufficere, equidem si pestis summo opere grassans viduauerit cuius vrbem, vel illi in loca tuta recesserint, metuentes sibi a praesentissimo periculo; quae opinio, ceu conueniens aequitati, arrisit iudicibus apud GAILL. *lib. 2. Obs. 118. n. 18. & 19. MYNSING. 1. Obs. 96.*

XIII.

Caeterum maximum priuilegium residet in militantium elogio: nam inter quam plura, quae colligere longum foret, eo quoque fauore gaudent, vt quomodocunque disponant, sicut possint ac velint v. *l. 15. C. d. Testam. mil.* tam propter nimiam ipsorum imperitiam, quam & praecipue quidem, funesti belli functiones & summa pericula. *V. pass. T. Iur. de Milit. Testam.*

XIV.

Atque his obiter, sed tamen vtiliter praemissis, non leui brachio disceptabitur, quod in nostra quaestione est. Id nulli non notum est, foeminas nostro iure haberi miserabiles personas. *l. un. C. quand. Imp. inter pup. & c. iuncta l. 9. §. 5. ff. de off. Proc. & Leg.* Quis enim earum non misereatur: nam praeterquam quod imbecillis & inconstantis sint animi, qui coeetus minus solet esse ditatus, non ipsae, sed mariti funguntur, fruuntur & corpore & substantia & omni vita; quibus obsequia praestant, subeuntes pericula partus & liberorum procreationem, pro quibus multa legibus inuenta esse

esse priuilegia, monet Imperator in *l. 12. C. qui pot. in pign.* quorum etiam longe plurima in libris Iuris nostri sunt obuia, tum ab aliis Imperatoribus fere omnibus, tum praesertim a Iustiniano nostro (Principe sexus muliebris amantissimo, & imperio, ac consiliis vxoris suae Theodorae addicto v. *Nou. 8.*) varie introducta, aucta atque confirmata. Ecce enim vt digito pauca commonstrem; foeminae dum citius maturescunt, ideo citius quoque a tutela liberantur. *pr. l. q. in. Tut. fin. l. 2. C. d. his. qui. veniam. aetate.* Nam non sunt hodie in perpetua tutela, vt erant olim, donec per nuptias in manum mariti conuenissent, vel adoptatae essent. *BOET. 12. Top. VOET. ad Inst. p. 315. SVTHOLD. diss. 3. n. 36.* vnde quoque maturius ad testamenti factionem contractusque ineundos admittuntur, si scilicet postquam in tutelam suam venerint, nolint curatorum arbitrio *regi §. 2. l. d. Curat.* Nullum his imminet periculum non insinuae donationis antenuptialis, tametsi 500. solidorum transcendat quantitatem *Nou. 127. c. 2.*

XV.

Vt vt autem mulieres testari, ocyusque queant, testes tamen esse in solenni testamento non valuerunt, licet in Codicillis recte adhibeantur, *§. 6. l. d. ord. Testam. cum §. ult. l. d. Cod.* Ne praetermittam egregias pro mulieribus Iuris veteris correctiones inueniri: & enim illis, quae olim adoptare non poterant, iam licet *arg. l. 29. §. 3. ff. d. in off. test.* non quidem cum effectu patriae potestatis, sed ad orbitatis solatium, seu maritatae fuerint, seu virgines, ex quarum sinu foetus haecenus nullus effloruerat, *Nou. Leon. 27.* rursus quae Vo-

conia lege institui quondam verabantur, nunc possunt. **HOTOM.** ad *g. 4. l. de Hered. instit.* vbi & illud notari meretur, quod si legati nomine alimenta virgini sint relicta ad pubertatem, extendi eam ad quartum decimum aetatis annum *l. 14. §. 1. ff. d. Alim. leg.* adhuc filiae inter caeteros exhaeredari amplius nequeunt. *pr. l. cum §. 5. d. ex h. lib.* nati ex foeminis nepotes auctore suo materno ab intestato non succedebant, quamdiu agnati erant superstites. *§. ult. Inst. d. hered. q. ab intest.* quod & ipsum tanquam contra naturam iniuriosum matatum fuit. *ad l. 4. C. d. lib. pract.*

XVI.

Illud etiam pertinet ad foeminarum fauorem, quod excuset eas iuris ignorantia *l. 9. C. ad SCr. Vellei. l. 2. §. ult. ff. d. Iur. fisci.* Quod Velleiani SCri exceptione gaudeant. *101. Tit. d. SCr. Vellei.* Cum plerumque etiam ipsius foeminae aduersus commoda propria inueniatur laborare consilium, iuxta verba *l. 4. in fin. C. de Sponsal.* quod mulier inops, licet & indotata, succedat marito etiam cum liberis ex iis progenitis in usufructum quartae, vel virilis portionis, pro numero natorum, qui si nulli inueniantur, in proprietate cum heredibus ab intestato aequaliter, dum semet ipsam, si dotem non attulerit, pro omni dote dedit. *Nou. 74. c. 5. Nou. 117. c. 5. Auth. Praeterea C. unde V. §. U.* Ne dicam, marito non licere quanquam alias dotis dominus perhibetur, mulieris immobilia alienare vel oppignorare *pr. l. 1. q. al. lic. v. non. Nou. 6. c. 1.* Integrum esse vxori, dotem suam, vel stante matrimonio, repetere aut securitatem pro ea virgere, vergente viro ad inopiam. *l. 29.*

l. 29. C. d. Iur. dot. Nou. 97. c. 1. l. 22. §. ff. sol. matr. Dotem filiabus deberi etiam 'ocupletibus *l. ult. C. d. dot. prom. l. 6. ff. d. Collat. l. 19. ff. de ritu nupt. l. 60. l. 69. §. 5. ff. d. Iur. dot. nuda pollicitatione promissam aequè exigi posse, ac si stipulatio intercessisset *l. 4. l. 6. C. d. dot. prom. l. ult. ff. d. dot. coll.* Rerum aestimatarum in dotem datarum periculum ad maritum spectare, ita ut visu mulieris deteriores fiant periculo viri *l. 10. l. 15. §. 18. ff. d. Iur. dot.* praeter quae tam pingue mulieribus tributum est priuilegium in dote repetenda, pro qua tacitam hypothecam ac ius praelationis habent, *l. ult. C. q. pot. in pign. Nou. 97. c. 4. Nou. rog. c. 1. §. 29. l. d. act. iunct. l. 1. ff. sol. matr. MYNSING. 4. Obs. 13.**

XVII

Addo mulierum priuilegiis accenseri, quod participes fiant dignitatis maritalis *l. 13. C. d. dignit. l. 8. ff. d. stat. hom. vxori communicari priuilegia marito concessa, quantumuis personalia, saltem quamdiu matrimonium durat l. 6. C. d. Prof. & Med. vel vidua manet in eodem statu l. 22. §. 1. ff. ad Municip. l. fin. C. d. bon. quae lib. quod mitius illae puniantur, quas pro infirmitate sexus minus aufuras esse confidimus, ut claret praeter ceteris in crimine laesae Maiestatis l. 5. §. 3. C. ad l. l. Mai. adulterii Nou. 134. falsi l. 1. §. 7. l. 15. §. 4. 5. ad l. Cor. d. fals. quod carceribus nulla de re sint includendae. Nou. 134. c. 5. 9. abrog. l. 3. C. d. cust. reor. non incidant in Sctum Turpill. l. 4. ff. de Sct. Turp. quod abstinentum sit in honestarum praesentia ab omni obscenitate verbisque turpibus, nisi iniuriarum teneri malis. l. 15. §. 21. & seq. ff. de Iniur. quod Canonico iure succedant*

in dignitatibus regalibus c. *significasti in pr. X. de re-
scripti.* remanente interim iuris nostri regula, qua foemi-
nae ab omnibus officiis ciuilibus vel publicis remotae
sunt l. 2. ff. d. R. l. ne contra pudicitiam sexui congru-
entem, alienis nimiumque arduis se negotiis immisce-
ant l. 1. §. 5. ff. de Postul. quas conditio naturae (infirmas
scil. & fragilis l. fin. C. d. Arb. arg. l. 1. ff. d. minor.) &
verecundiae stola, ut taceant, cōhibere debet. VALER.
MAX. l. 8. c. 3. nisi tamen 1. contrarium consuetudine sit
receptum. 2. mulieri id iure hereditario competat, vel
3. Ex priuilegio Principis BRONCKHORST. & alii ad
dic. l. 2. Quid dicemus, si de facto foemina munus
obeat, inque habilitate sit putatua, ut aiunt, in quali
Barbarius ille fuit Philippus l. 3. ff. d. Off. Pract. & cum
aliis, si fuit, Iohanna Anglica, quae, mentita sexum,
omnium consensu Pontifex creata fuit? Vid. PLATI-
NA de vitis Potif. add. Clariss. FRID. SPANHEMII disq.
bist. de Papa foemina. Sane poenae loco pronunciauit
Deus, si dominentur mulieres. v. Es. c. 3. v. 12. Ut
adeo respectu gynaeocratiæ dicendum, quod habet
l. 4. §. 3. ff. de Off. Procons. Melius quidem est sine vxore.
add. SCHOENBORN Polit. l. 3. c. 12. Ne vero hac par-
te, plus nimium dispalans, alia congeram benigna au-
xilia atque decreta, quibus Matronarum ordo fuit ad-
ornatus, remitto B. L. ad BENED. CARPZ. Cent. post.
iur. d. Iur. foem. KORNM. d. Virgin. v. VALER. MAX.
l. 5. c. 2. & al. pass. Sane quantum stolae fauerit Caesar
noster, ex haecenus dictis fuit manifestum; qui qui-
dem adeo magni fecit vxorem, ut adhibuerit in consi-
lium, uti iam supra dictam, suam Theodoram, a Deo,
ut professus est & nomen loquitur, sibi datam: quin
& eo fuerit progressus, ut Praefides in nomen eius iu-
rare

rare voluerit. *Nou. 8. 9.* vtpote quae quasi Imperii fuerat conseruatric: nam seditione exorta, cum iam Imperator desperatis pene rebus, naues & fugam spectaret, animum ei vel addidit vel confirmavit, referente PROCOPIO *l. 1. d. Reb. Pers.*

XVIII.

Sed quorsum haec omnia? ut disquisitio ea de *parturientium Testamentis* expediatur commodius. Sed dixerit quispiam, frustra nos de mulierum testamentis differere, quum quidam disputent: mulieres an sint homines? per *l. 38. §. 5. ff. d. Poem.* Nos eiusmodi subtilibus tempus non fallimus, his, qui serio de vtilioribus dubitant, responsuri. Scil. ambigunt nonnulli, an fas sit foeminis citra consensum saltem maritorum testari? Dum enim per nuptias mulieres proprias se Domino suo dicant, eiusque potestati subiiciuntur, res etiam eiusdem arbitrio gubernantur *l. 8. C. d. pact. conu. ut ad eo contrahere sine viri consensu non possint, nedum testari.* PECK. *de Testam. con. lib. 3. c. 1.* ea ratione, quod cum mariti sint quasi vxorem suarum Curatores, providere debent, ne illar. exclusis proximis profusaque liberalitate ac indiscreta, bona sua alio per testamenta transferant; ne dicam, prisco Romanorum instituto lus potestatis maritalis, & acerbius quidem exercitium fuisse, constare exemplo Plautii, quando de Pomponiae Graecinae capite cognovit. *TAC. l. 2. Annal. 13. vid. AVL. GELL. lib. 18. c. 6.* quo facit Pomponii Icti suppositio in *l. 10. §. 1. ff. salut. matr. arg. l. 11. C. d. nupt. l. 2. ff. d. exb. lib. cesso* nimirum marito parentum eo iure:

Qui genero sua iura simul cum dote dederunt.
Catull. in carn. nupt. & arg. §. 2. l. ad SCr. Tertull. pos-
sunt tamen defendi leges Romanae posteriores, & mo-
res sine consensu mariti mulieribus tribuentes testandi
facultatem; cum testamenti factio non debeat ex alieno
pendere arbitrio. l. 32. ff. de hered. inst. quo fit, vt legi-
bus Romanis Societas coniugalıs, si forte expresso pa-
cto inter coniuges contracta sit, non tollat ius testandi,
sed liberum sit alterutri coniugum de rebus suis dispo-
nere. PEREZ. in C. q. Test. fac. poss. n. 11. & v. l. 1. ibid.

XIX.

Sed an communi iure id facere praeſe debeat,
 eo quo parturit tempore, an vero in naturae vinculis
 habitura est vxor libertatem testandi, quo velis possi-
 que modo? Sane res loquitur, non contineri, mulie-
 res nostra quaestione innuptas, neque steriles; ambae
 cedunt nuptis atque foecundis matribus. Coelibat-
 um ab omni aeuo perosum fuisse, testatur Historia:
 Sic ferunt Lycurgum praecepisse, vt a ludis arcerentur
 coelibes, ducerenturque per forum caneu ignominioso.
 Apud Rom. qui detrectabant coniugium, poena mul-
 tabantur pecuniaria, nec Censores esse poterant. v.
 ALEX. ab ALEX. *Gen. dier. lib. 4. c. 8. VALER. M. lib.*
2. c. 9. CIC. d. LL. lib. 3. c. 7. ex aduerso foecunditati &
πολυτεκνία fauores concessisse quam plures: v. l. 1. C. q.
num. lib. se exc. pr. l. d. exc. Tut. l. 1. C. d. LL. l. 5. §. 2.
ff. d. iur. immu. l. 9. C. d. Decur. l. 6. §. 5. ff. eod. Quam-
uis dotis priuilegium sterili adimere non auderem, quo-
niam mulieri non parienti nil imputandum, sed natu-
rae SCHNEIDW. ad Inst. p. 440. Proinde si considere-
 mus

mus numerosae sobolis fauorem esse maximum, inque ea producenda foeminam plurimum molestiae ac discriminis, sudoris, laboris, doloris subire. *d. l. 12. C. por. in pign.* partum ei excindi non femel, spemque animantis cum grauida posse perimi *v. l. 2. d. mort. inf.* (quare puerperas voluerunt in certo quorundam Numinum praesidio esse. *v. ROSIN. antiq. lib. 2. paralip. d. Diis puerp. It. d. Dian.*) Ecquis non extenderet miserabilis foeminae privilegium ac factionem testamenti qualem qualem, etiam septem testium, & quidem marium, copia haberi requeat, qui cum Testatrices, *fessa malis*, ad imitar Alcmenae Herculem parientis *OVID. in Metamorph.* nimiumque imbecilli, quam aut scribere, immo vniam pingere literam valeat, nesciatue subsignent tabulas? a DD. enim communiter receptum est, testamentum (quia fauor eius magnus est, *l. 5. ff. Testam. quemad. aper. l. 10. ff. d. inoff. Test.*) sine solemnitate requisita factum, subsistere, si eo tempore, quo fieret, sollemnitas adhiberi non poterat. *v. BECK. d. Test. coniug. lib. 3. c. 18.* cum impossibile nulla obligatio sit, nec necessitas legem habeat. *PARBOS. Pr. & Loc. Com. Lit. l. n. 11. 12. Lit. N. n. 6. 7. facit arg. l. 13. §. 7. ff. d. Excusat. Tut. l. 21. 39. §. 1. ff. d. leg. 3. l. 2. §. 3. & §. 8. si q. caut. l. 9. 10. 16. ff. ex q. causis mar. l. 7. C. d. contr. iud. tut. l. 8. ff. d. Test. l. 6. §. 9. ff. d. Off. Praes. l. ult. in fin. C. d. modo mult. c. 8. X. d. Appellat.*

XX.

Equidem nuncupata inter medios mille eiulatus voluntate, aut quocunque modo significata, sine vllis licet, aut non sufficientibus testibus, sine vlllo Iurisperito, potius

potius iuxta rationem animi quam nimiam illam mile-
ramque diligentiam l. 1. §. 14. C. d. SS. Eccl. l. pen. §.
ult. ff. d. legat. 2. cassa non sint iudicia, quae puerperae
exsilis, vt HORAT. immo seminecis lingua balbutiens
profudit v. l. 15. Cod. d. Testam. cum vel obstetrices pro-
barae fidei, aliaeque mulierculae studiose puerperam
observantes atque curantes, voluntatem nudam testan-
tes audiri debeant. arg. Tit. ff. d. Veni. insp. neque enim
istis (quae non minus atque viri pro medicis habentur,
quia medicinam exhibent l. 1. §. 2. ff. d. extr. cognit. l. 1.
pr. C. comm. d. leg. l. 1. §. 5. C. d. comm. seru. man.) dun-
taxat credendum erit, si de virginitate probanda, ven-
tre inspiciendo vel potentia coeundi agatur. l. 1. ff. cod.
THOLOS. Syntagm. lib. 13. c. 25. n. ult. Quid si enim
in gratiam nascendorum pia mater, sed fatigata, ani-
mam efflare, quando foetum protrudere nequit, de-
beat? (Siquidem non omnes sunt Canidia mulieres,
cui erat HORATIO teste Epod. 17.

Hospitale pectus & purae manus

Venter partum eius:

i. e. qui partui aptus & facilis. v. FAB. in Thes. verb. Pa-
rio) nonne voluntas fiet sua, tanquam si inter liberos
dispositum fuerit, quod secreto fieri posse, supra osten-
sum fuit. Certe calamitas matris non debet nocere ei,
qui in vtero est pr. l. d. ingre: l. 17. C. d. v. s. fr. qui vti-
que quoad commodam pro iam nato & edito censi de-
bet. l. 5. 7. §. pen. ff. d. stat. hom. l. 231. ff. d. V. S. l. 1.
§. 9. ff. vnde cogn. l. 14. C. d. fid. lib. pr. l. d. bon. poss. l. 1.
C. de postl. reuers. l. 2. §. 3. ff. d. Decur. v. ANN. ROB.
rer. iud. lib. 3. c. 13. ac proinde ad eam hereditatis par-
tem admitti debet, quam mater propriis suis visceri-
bus relinquendam praeceperit. l. 3. ff. si pars hered.

*l. 7. ff. de Reb. dub. fac. l. 11. §. 12. l. 21. d. leg. 3. l. 39.
§. 1. eod.*

XXI.

At instet contradictor: foeminis non magis succurri quam aliis, nisi in casibus a lure expressis. *l. fin. C. d. l. §. f. ign. ALEX. conf. 165. lib. 6.* hinc ne mulierem quidem iurari in omnibus his, quae sunt inducta pro forma actus, vt in Testamentis, vbi requiruntur nota solemnia; nec, si praetextu ignorantiae inuentarium non petierit; aut intra annum & diem inuestituram non petierit, restituendam esse, si peritiores consulere potuerit, & sim. v. PECK. *ibid. l. 1. c. 34.* Quicquid tamen haec & centum alia vera esse statuunt, durum tamen molli sexui foret, istum (sed in casu partus duntaxat) prohibere a priuilegio testandi sine ritibus istis ordinariis, quos vtrique adhibuisset, nisi parturisset, nunc & testibus masculis & notario accedere, propter rationem honestatis & pericula ex festinata monitione erubescens, nec audentibus voluntatem alias perfectam excipere: quae aequae ex oribus circumstantium & adiuuantium constare, quam ex charta, potest; alioquin testamentum, cuius perfectio siue consummatio potius in aduentum Tabellionis collata erat, si interim testator decedat, non teneret per *l. 29. ff. q. test. fac. poss. l. 11. §. 1. d. leg. 3. l. 55. ff. d. leg. 1. arg. l. 17. C. d. fid. instr. l. 2. C. d. sens. ex breu. rec.*

XXII.

Obiecerit deinceps quispiam, mulierem debuisse praecuidere huiusmodi casum, quem non poterat non
D expe-

expectare post coitum? Resp. Et si puerperium, iudice Deo, dolores nunquam non infandos habeat adiunctos, tristis tamen vi maiore casus euenire potest, quem prae oculis habere nemo possit nec debeat; casum enim aduersamque fortunam spectari neque ciuile neque naturale est. *l. 83. §. 5. d. V. O.* maxime si tam subito, ut in partu potest, ingruat. Quid si enim mulierem quis vehendam naui conduxerit, deinde in naue infans natus fuerit *l. 19. §. 7. ff. locat.* sicut doloribus circumuenta Iohanna Pontifex, cuius memini *ib. 17.* in via peperit. *PLAT. ibid. l. c.* Interim affectatum impedimentum non excusat. *l. 2. §. 2. §. pass. ff. si quis caut. in iud. vt fileam,* saepenumero causam testandi inopinantem non prius habuisse, vel quod facultatibus nunc subito aucta sit, vel quod ex liberis vnus alio melius quam ante mereatur, aut egentior sit, & si quae sunt praeterea eiusdem monetae.

XXIII

Nolim tamen in parturientium partes indistincte concedere nimisque coniuenter, vt, si aliter atque fas est, testatae fuerint; fortean si nimiam inaequalitatem inter liberos constituere velint, aut in eorum grande praecudicium quidpiam agere, vel exheredare ob iustam etiam causam, primum si praesumant, naturae & scripti iuris leges violarent. *l. 7. C. d. coll. l. 77. §. 25. ff. d. leg. 2. l. fin. C. d. bon. profer. l. 7. ff. d. bon. damn.* Si tamen nulla euidentis ratio appareat: loquor autem de nimia inaequalitate, ex qua inimicitiae & odia inter fratres pullularent, & ex qua iniustum aliquod oriretur. *l. ult. C. d. coll. l. fin. C. d. bon. q. lib.* nam vni liberorum plus

plus quam alteri conferre licet propter merita & culpas.
l. 1. C. d. in off. test. l. 7. C. d. in off. don. atque alioquin
 frustra remitteretur ordinaria solemnitas in testamento
 inter liberos, si illi veluti ab intestato in aequales por-
 tiones matri succedere deberent; si veto fulmine testa-
 mentario liberos percutere parturientes tentauerint, rei
 faueremus odiosae, si huic faueremus *l. 19. ff. d. lib. & postb.*
 si quidem priuilegium in dando, non adimendo,
 consistit. *Nov. 107.* quod si facerent, odium proderent,
 non maternam pietatem, cui lex Ciu. liberorumque
 amor tantum tribuit *l. 11. C. d. negot. gest. l. 17. C. d. postl. reu.*
 vt ad primordia Iuris naturalis vel ad Ius gentium
 primaeuum (cui ignota sunt scrupulosi Iuris puncta,
 stricturae & apices) testandi facultatem referre debeamus.
 Addo, si mulieri, testanti in fauorem piaecau-
 sae, non obseruanda sunt Iurium anxia solemnia, v. *PECK. d. Test. coni. lib. 3. c. 4. TIRAQV. d. priu. p. C. pass.* certe
 huic eadem remitti debere, si in liberorum commodum
 (quorum causam esse piaefauorabiliorem non inficiabere)
 parturiens disposuerit, iam eo tempore, quo tantum
 exultat misera.

Mors quem minus poenae, quam mora mortis habet.

XXIV.

Rursus, sicut male meritis temere indulgeretur
 priuilegium, imo vero illud auferendum sit talibus, quia
 se legum beneficio indignas reddidere *l. 3. in f. C. d. Epis. aud.*
 ab hoc fauore excludimus scorta ista, prostibula,
 pellices & meretrices & quotquot denique vitam legi-
 bus, eoque vitam turpissimam elegere *l. 43. ff. d. R. N.*
 publice venalem habentes pulchritudinem multorum-

quae libidini parentes, nec parcentes pudori: quae merito *improbissimae* vocabantur, cum Carfania, *foeminae l. 1. §. 5. ff. de Postul.* quarum tantum fuit odium apud Rom. vt exheredari meruerint *l. 19. C. d. inoff. Test.* nec facultatem habuerint acceptandi legata & hereditates. *SVET in Domit.* Octavianus Caesar filiam suam, quae male & luxuriose vixerat, quamque idcirco in insulam antea relegauerat, humari in suo sepulchro venit. *DIO CASS. lib. 86.* Sicuti apud Corinthios Periander Rex omnes, quae pudorem prostituissent, in vndas submergit. *Teste HERACL. lib. d. Pol. in Pol. Corinth. v. omnino THOLOS. Synt. lib. 10. c. 2.*

XXV.

Similiter indignas priuilegio pronunciamus, quae abortui causam dare, vel annexae fuere vel studuer quouis modo. v. *THOLOS. Synt. lib. 36. C. 15. n. 17. §. 199.* quippe cum maximum & praecipuum sit foeminarum munus, concipere & tueri conceptum *l. 14. §. 1. ff. d. Aed. Ed. l. 1. §. 2. C. d. ind. vid. toll. indignae habebuntur* eiusmodi male feriatæ mulieres, si abortum vel fecerint vel parauerint, siue per cincturam nimis strictam, vt Coriolani neptis, vel per saltationem immodicam, vt Curii triumphantis soror, vel per variorum ciborum ingurgitationem, vt soror C. Diuellii, vel per consternationem subitam, vt Iulia C. Caesaris filia, Pompeii vxor; vel per haustum, medicamina, aliasque vias, *quae hominibus ad malitiam sunt multae in Nou. alibi.* ne dicam eam, quae partum abigit, ipsa interdum morte mactari v. *l. 4. §. ib. gloss. ff. de extr. crim. l. 39. ff. de poen. §. fin.*

XXVI.

XXVI.

Quid dicemus de mulieribus enitentibus partum extra legitimum nascendi tempus? simulantibus praegnantiam? partum supponentibus? *propriis se servisiungentibus Rubr. Cod?* commaculantibus se servorum adulterio? lenocinium exercentibus? aliisque capitulis huc spectantibus; de quibus differere speciatim, instituti nos ratio verat.

XXVII.

Illud addendum est adhuc pro privilegio ventris, quod praegnans mittatur in possessionem bonorum v. *Tit. d. Ventr. in poss.* eique quoad partes hereditarias sit prospectum, prout dicitur *l. 3. l. 4. ff. si pars hered.* quod mulier praegnans, criminis peracti rea, interim nec torqueatur, imo nec quaestione terrenda. *Cl. MATTH. d. crim. Tit. d. quaest. n. 13.* tum ante tum post partum, si puer necessario lactandus esset, deficiente nutrice. *ibid. n. 8. add. dict. D. MATTH. Tit. d. sentent. c. 6. n. 4.* nec punietur & semper, adeoque etiam post partum, lenius. *l. 3. l. 26. ff. d. poen. l. 13. ff. d. stat. bom. supplicia enim praegnantium lex differri in diem partus iubet. QVINT. in decl. 277. AELIAN. lib. 5. hist.* quod tamen Claudius neglexit, cum is ne quidem praegnantium mulierum supplicio abstinuerit. *DION. lib. 57. BRISSON. 2. Antiqu. 20.* pessume! nam quod filii paterno debeant perire supplicio, exemplo iuris tum divini tum humani aduersum est; (atque adeo hoc nomine vix ac ne vix quidem adixae excusanda *l. 5. C. ad L. Iul. Mai.*) quia poena suos debet tenere auctores, nec innoxii sunt plectendi, multo minus duo pluresve propter unius fontis crimen, id quod aequissima Aegyptiorum lege cautum

fuisse inque curis seruari ex Diodoro & Paponio *d. ar-
rest.* refert SCHNEID. *ad Inst. Tir. 3. n. 4.* Aliud est
pro praegnantibus sancitum, ne vapulent ab illo; cui
cum iure diuino *Exod. 21. comm. 22. & sq.* consentanea
est lex falica v. THOLOS. *Synt. lib. 76. c. 15. n. 21.* Cae-
terum grauiditate vxoris virum ab hostibus captum nil
amittere, auctor est Iulianus in *l. 23. ff. d. capt. & postl.
reu.* postremo mulier quae, ventris doloribus impulsæ,
latrinam accefferat, & partum in Cloacam effuderat,
asserens, nesciuisse, se grauidam fuisse, qua poena pu-
niri debeat, meminit OSASC. *Decif. 60.* allegante GO-
DOFR. ABAVO *Pr. & Theor. crim. ad §. venen. n. ult.*
add. SAND. *Decif. Frif. lib. 5. Tir. 9. def. 3.*

XXVIII

Hicce in gratiam praegnantis, (quae pleno dici-
tur ventre, ad oppositionem eius, quae est vacuo *l. 84. d.
A. V. O. Hered. vel graui esse vtero l. 11. ff. d. iur. Cod. in
vtero gestare, habere, vebere l. 4. ff. d. SCR. Syllan. l. 30.
§. 6. ff. d. acqu. hered.*) annexenda quaestio est, si ma-
ritus instituerit ventrem vxoris heredem, qui vocati
censeantur? „Cuius rei arbiter est VLPIANVS in *l. 4. ff.
d. postb.* vbi, cum maritus posthumum heredem scri-
bit, non is vtique solus posthumus scriptus videtur,
„qui ex ea, quam habet vxorem, ei natus est vel is
„qui tunc in vtero est; verum is quoque qui ex quacun-
„que vxore nascatur. Recte! vt scilicet nascendorum
nemo possit se dicere praeteritum, aut rumpere testa-
mentum: cum par erga omnes liberos praefumatur af-
fectio. *fac. l. 17. pr. §. 1. ff. d. leg. 1. l. 16. §. 1. ff. d. Test.
tut. l. 81. ff. d. hered. inst.* Est & textus in *l. 14. C. d. fid.
lib.*

hb. qui maiorem in modum conducit; ut adeo errent, qui tuentur contrarium, putantes, ventris nomine non venire, nisi praegnantem praesentem. Alii opinantur, rem debere dirimi ex sermone testantis determinato vel simplici; sane aiunt, si vir ignoraverit, vxorem in ventre quempiam *portare* vel *vehere*, ut loquar verbis *d. l. 14.* vnum aequae atque alium respexisse videtur: at vero anne is, qui ventrem vxoris instituit, possibile aut probabile saltem est, ignorare eam ex se grauidam esse? pro affirmatina *v. l. 3. §. 5. ff. de ini. rupt. irr.* Nec mouet, testatorem, si de aliis cogitasset, de omnibus peraeque dispositurum fuisse: vitur enim ICtus formula generali (*quacunque*) quae comprehendit omnia *arg. l. 240. ff. d. V. S. l. 52. 71. §. 79. ff. d. leg. 3.* Imo quod magis est, videtur amplianda decisio ad eos quoque, qui ex posteriore vxore progeniti fuere. *l. 5. ff. d. lib. §. postb. l. 28. §. 2. eod.* Quin imo tam ex viuo, quam exlecto vtero editos. *l. 12. ff. eod. l. 1. §. 4. §. 5. ff. ad SCt. Terrull.* & ad natos ex concubina, licet non integros, si tamen cum spiritu: Nam quando fit mentio de partu respectu viri generantis, verissimum est dicere, quod ex semine patris partus productus sit; vnde siue vxor decedat parturiens, siue quando iam peperit, partus eodem modo descendit a patre tam naturaliter, quam respectu affectionis paternae *arg. l. 29. ff. d. neg. gest. arg. l. 6. ff. d. inoff. test. d. l. 12. ff. d. lib. §. postb.* Atque haec ita quidem, nisi enixa sit mens & voluntas testatoris in contrarium: quid si enim is restrinxerit loquelam ad ventrem vxoris, quae tunc praegnans est? *l. 10. ff. eod. arg. l. 109. pr. de leg. 1. l. 89. §. 1. d. V. S.* quandoquidem verba in vanum

22 DE TESTAMENT. PARTVR.

vanum accipi non debent, sed cum effectu, utque
aliquid operentur. BARBOS. pr. § loc. Comm. lit.
V. n. 10. 11. Haec itaque pro temporis ratione, Be-
neu. Lector, excussa

*Arridere velim, doliturus si placeant spe
Deterius nostra.*

COROLLARIA.

I.

Mulier in Codicillis testis esse potest.

II.

Maritus est Dominus dotis.

III.

Dos etiam debetur filiae locupleti.

IV.

L. 5. C. ad L. Iul. Mai. iniustitiae excu-
sari non potest.

F I N I S.

